

مرکز توزیع:
باب عالی جاده سنده
(اتحاد تجارت)
کتابخانه سی ایله
(یکی توریکیه)
مطبعه سی

مجله علمی، ادبی، اجتماعی و شهری مجموعه در

فنی القعه

۳۳۸

صاحبی، مدیری، محرری: طاهر

اداره خانه سی:
باب عالی ده
(یکی توریکیه)
مطبعه سی فوقنده کی
دائرة مخصوصه

استراشراطی: هر سنده که برنجی وایکنجی آلتی آیلغندن اعتباراً
اولی اوزده پوسته اجرتیه برابر (۱۰۰)، آلتی آیلغی: (۵۰)
غروشدرد. مالک اجتنیه اچین ۵۰ و ۳۰ غروش علاوه سی لازمدر.

تجربہ شراطی: ملک تقعه خادم یازیلر مع التذکر قبول ونشر
اولونور. یازانک شخصیتی دکل، یازانک مادی
نظر دقت آلتیر. کونده رله جک آناو قوناقلی و مختصر جبه یازیلش اولالیدر.
کن یازیلردن شایان قبول کورولنر. تالیخ صبراسیله درج ایذیلیر.

کچن سنده عائد و یک حقوق معلومات مقیده بی حاوی اولان نسخه لری منتظماً دیکلیمش
واوزة دلرینه قالین برر قایاق کچیریلرک مجلد کتاب حالته کتیریلشدر. خیرالانیس اولانیله جک
بو نفیس کتابلردن برنجیستک موجودی بیتمش، ۸-۱۲ نجی نسخه لری پراکنده اولاراق
قالمشدر. بهر نسخه سی ۱۰ غروشدرد. ۲، ۳، ۴ و ۵ نجی جلدلرک بدلی پوسته اجرتیه برابر یوزر غروشدرد. طوغروندن
طوغروییه اداره خانه یه داخلدن ۳۰۰، خارجدن ۳۵۰ غروش کونده ریلدیکی صورتده هر درت جلدی پولانیلر.

منبرجات:

مجلس علمی و فنی: طبقات المفسرین اصحاب و تابعین طبقه لری - برغمی جودت افندی. علم خیال -
احمد نظیف بک. زهره ییلدزی - میرالای عبدالرحمن بک.
مجلس ادبی: ۶ تشرین اول مناسبیله - معمر افندی، تشطیر - احمد رمزی افندی. غزل - طاهر. حضور خلقتده -
معمر افندی. الهام سسی - صبحی افندی.
مجلس تاریخی: لیبیا چولنده بویوک برسیاحت - سعدی بک. بولغارایی - طاهر.

ابوهریره

شهرتی ذکرندن مستغنی اولان بو ذات عالی،
هجرتک ۵۷ نجی سنه سننده ارتحال ایله مشدر.

انس بن مالک

ناسه فقه و معانی قرآنه دائر خدمت تعلیمده
بولونارق هجرتک ۹۹ نجی سنه سننده ارتحال ایتمش
و ۸۰ دانه اولاد ذکور براقشدر.

عبدالله بن عمرو بن العاص

معانی قرآندن باشقه فقهده، مغازیده، قصص

مجلس علمی:

تفسیرلر - مفسرلر
ایکنجی قسم:

طبقات المفسرین

اصحاب طبقه سی

عبدالله بن الزبیر

معانی قرآنه و قوفده بهره تام صاحبی اولان
بو ذات عالیقدر، زهد و تقوا سنه علاوه شجاعت
فوق العاده سنیه ده مشهور اولوب ۷۳ تاریخده مکه
مکرمه ده وفات ایتمشدر.

وسیر انبیاده، احوال اخرویه دائر خصوصاً تده
ید بیضا صاحبیدر ۶۸۰ تاریخنده مکده وفات ایتشدر.

ایکنجی طبقه

تابعین طبقه سیدر

شیخ الاسلام (ابن تیمیه) دیورکه : تابعین
کرام خضر اتندن اساطین اهل تفسیر، اوچ دیارک
مفسر لریدر. او زمانده اهل تفسیرک جولانگاه
عرفانی ده او بلده لردن عبارتدرکه اونلر مکه، مدینه
و کوفه در.

شو اوچ بلده ده یاشایان مفسر لرك اك يوكسى
مکده یه تیشندر درکه اونلرده (مجاهد) (عطاء ابن
ریاح) و ابن عباسک کوله سی (عکرمه) در.
چونکه بونلرك استادی ابن عباس، کوفه ده کیلرك
ایسه ابن مسعود در.

مدینه ده یه تیشندر لرك اك مشهورى (زید بن اسلم)
درکه (امام مالک بن انس) وزیدك كندى اوغلى
(عبدالرحمن) اوندن اخذ علوم ایتشدر در.

شیمدی بونلر حقنده بروجه آتی تفصیلات
ویرهلم :

مجاهد بن جبرالمکی

ابن عباسدن تفسیر او قومش، عبدالله بن عمرک
خیلی زمان صحبتنده بولونمش و اوندن حدیث اخذ
ایله مش، کندیسندن ده (قناده) (عروه) (منصور)
(اعمش) کبی ذوات، روایات تفسیرده بولونمشدر.

قناده « علماء تفسیر ایچنده بقیة السلف آنحق
مجاهد در، دیرمش. فضل بن میمون ده مجاهدك
علم تفسیرده کی خارق العاده مساعیسی بیان معرضنده
« بن، مجاهدك قرآنی اوتوز دفعه تفسیراً ابن عباسه
عرض ایتدم دیدیکنی ایشیتدم » دیمشدر.

امام شافعی ایله امام بخاری، مجاهده بویوك اعتماد
پرورده ایدرلر. وفاتی هجرتك يوز اوچنده در.

سعید بن جبیر

(سفیان ثوری) سعیدك علوكعبنی بیان مقامنده
دیمشدرکه : « علم تفسیری درت کشیدن آلکتر :

سعید بن جبیر، مجاهد، عکرمه، ضحاک ».

قناده ده دیمشدرکه : « تابعینك اعلمی دورت

ذاتدر : عطاء بن ابی رباح مناسکده، سعید بن جبیر

تفسیرده، عکرمه سیرده، حسن بصری مواعظ

ایله حلال و حرامده اك متخصص بر عالمدر ».

اوله مشهور درکه تابعین ایچنده احکام طلاقه اك زیاده

واقف اولان عطا، حلال و جراحی اك زیاده بیلن

طاوس، تفسیری اك فضله بیلن مجاهددر. فقط

بونلرك كافه سنی جمع ایتش اولان بر ذات وارد درکه

اوده سعید بن جبیردر. هجرتك ۹۵ نجی سنه سنده

حجاج ظالمك تیغ قهریله شهید ایدیشدر. کیفیت

شهادتی، جلادتنه، متانتنه، قوه ایماننه پارلاق

بر وثیقه اولدینی جهته بروجه آتی نقاطنی عرض

ایدلم :

سعید بن جبیر، عبدالملک بن مروانك سلطنت

ظالمانه سنه قارشى خروج ایدن (عبدالرحمن بن

اشعث) طرفدار لغیه اتهام اولونارق یاقلانمش،

سلطنت امویه نك تأیید و تقویه سنه اوغراشان حجاجك

حضورینه کتیر یلد کدن صرکرا ایجری یه کیر کیر من

« مریم، اعوذ للرحمن منك ان كنت تقیادیه رك

استعاذه ایله دیکی کبی بن ده سندن الله صیغینیرم،

دیمشدی.

بونك اوزه رینه حجاج ایله آرالرنده شو محاوره

کچدی :

— اسمك نه در ؟

— سعید بن جبیر.

— خاییر... اوله دكل، بلکه شقی بن کسیردر.

— والدهم اسمنی سندن ایی بیلیر.

— سنی دنیا ده جهنمه آتارم.

طوبونجه « پمپن ایدهرم که بوذاتک قتلنده بوتون جهان
مشترک اولسه لردی هپسنی جهنمه سنور و کبر
کوتوروردی » بویوردی .

احمد بن حنبل ده « بو ذات ، علمنه ناسک
محتاج بولوندیغی برکیمسه ایدی . پک یازیق اولدی »
دییه اظهار تأثر ایتشدی .

دارالفنون الہیات فاکولتہ سی تفسیر
و تاریخ تفسیر مدرسی

بر غمیری جودت

علم خیال

(۱)

خیال، معنای عمومی سنه کوره حقیقت سن برطاقیم
قارالی لردن عبارت اولدیغی حالدہ محققین صوفیه ،
بونی احوال روحی دن عدا ایدر لر . احوال روحیه
دیمک ، روحک کندی اوزہ رنده کی انعکاسندن
عبارتدر . بوايسه ، حقیقتی برنوع کولکه لندرمک
مفهومی افاده ایدر . بز معانی بی خیال ایله
صورتلندیره بیلیرز . حقیقتی تصورک اساسی
تخیل در .

ارسطوده بو اساسی : [خیال سن برشی تصور
اولونماز] متعارفہ سی شکلنه صوقشدر . بزده
ملکۂ خیالیہ اولماسه یدی (حقیقت حقیقت در)
دیر ، طوروردق . بونکله ده کیمسه ید برشی آکلاتماش
اولوردق . (حقیقت ، حقیقتدر) دیمک ، کیمسه ید
برشی سویله مہمک دیمکدر .

خیالک علم حالته کله بیلیمہ سی ، استبصاره توقف
ایدر . استبصار (حالات روحیه) دیدیکمز شئون
ذاتیہ نک مراقبہ سی در . آنجاق بو صورتله خیال
متصل ، بر خیال منفصل اولور . بو خیال منفصل ،
معانی بی صور جسمانیہ ده تصویره سوق ایدر . دیمک
اولویورکه صور ذهنیہ نک اساسی بودر . بو نقطہ

— سندہ بویله قدرت اولدیغی بیلیمہ سندن
باشقه اله اتخاذ ایتزدم .

— یوق . فکرمی آکلامادک . سنی اولدورورم .

— ها ، اویله ایسه والدم اسمی سعید

قویماسنده اصابت ایتش . شهید اولورسم سعید
اولورم .

— علی و عثمان حقندہ نہ دیر سک ؟ جتندہ میدر لر ،

یوقسه جهنمده می ؟

— اورالرہ اوغراسه ایدم حاللرینہ واقف

اولور ، سکا جواب ویرہ بیلیرم .

— عبدالمملک حقندہ نہ دیر سک ؟

— جمله سیاتندن بزیدہ سنسک !

بونک اوزرینہ حجاج :

— جلاد ! دییه هایقیردی . جلاد ، اوزہ رینہ

هجوم ایتدیکی صیراده سعید کولکه باشلادی . حجاج
سببی صورتی . اوده :

— بوقدر مظالمک قارشئ اللہک صبر ایله

معامله سنه کولیورم دیدی و (انی وجهت وجهی .)
آیتنی او قودی . حجاج :

— یوزنی قبلہ دن دوندورک . امرینی ویردی .

سعید (فایما تولوا قثم وجهه الله) آیتنی او قودی . حجاج :

— یرہ اورک ، دیدی . سعید (منها خلقنا کم

وفیہا نعیدکم) آیتنی او قودی . حجاج :

— اورک بونینی ! امرینی ویردی . سعید

اللرینی قال دیروب :

— یاربی ! شو ظالمه قائمی حلال ایتیمورم .

بوقدر مظلومی نعمت حیاتدن محروم ایدن شو

حریفی بندن صوکر ا یاشاما . دییه دعا ایدہ رک شهید
اولدی .

پک آز زمان صوکراده حجاج چیلدیروب هلاک

اولدی .

حسن بصری ، سعید بن جبیرک شهادتی